

近代中國史料叢刊第五十四輯
沈雲龍主編

皇朝瑣屑錄

鍾琦輯錄

文海出版社
印行

皇朝寶曆錄

本宅藏板



10/10/2011

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



予性魯鈍無記誦之學自知不才視名利如竹虛水淡遂於林樾蒨蔥間拓地築齋顏曰吟香書屋日每三餐飯飽半榻跏趺外惟閱國史邸鈔 皇朝通志通考諸書以資消遣凡治平之道拊循之方教養之政柔遠之術 功烈之昭垂邊隅之要害山川道里之險夷貢賦儲積之盈絀以及 列祖之成憲 睿慮之周詳醞釀太和涵濡化美者摘其要採其畧而錄之一二年裏然成集共計八十卷非妄臆傳世不過俾子孫開其心思廣其見聞耳自赭寇雲擾黃旗氛屯予襄勞局務奔走於關山戎馬其稟倩人

分繕散亡六七回憶所擇不精所載不詳所評尤不雅馴
欲付秦炬以免抹笑因友朋謬獎且代雇梓工予自乙未
以來陰陽舛候稼穡卒瘁兼以食指如蠶耗孔類鼠來聲
涓滴去勢汪洋安得餘貲以埒剗厲氏而爲此不急之務
哉但冉冉老矣恐赤郭當令蒼帝無情倘如廖融雪壓雲
穿李績水窮天盡其稟不爲蟲鑄卽爲鼠齧也故貸銀發
棊聊慰友朋雅望山間明月嶺上白雲祇自怡悅不堪持
贈覆瓿糊窗任諸覽者諒者

光緒丁酉夏鍾琦自序於亦齋書堂時年八十

語言富則文章雜議論逞則事實失凡沈雄工麗光怪陸
離而句涉新奇意鮮懲勸有識者弗尙也若廣蒐博採闡
揚幽光潛德並悉 謨烈相承垓埏化洽之典故有未
可以裨官野乘例視者惟鍾君泊農庶乎近之泊農天性
真摯品高潔詩文衍暢炳蔚駱文忠丁文誠兩公聞其名
奏辨醜務以勞績保知縣加運同銜因母老晦迹不仕遂
於竹公溪拓地十笏結齋三楹每花晨月夕茶鐺酒盞翛
然以自怡憶君自辛酉與予交戊辰予筦嘉定釐局約君
擊篋分韻以爲常迨庚午予攝樂山縣篆君晤予往往遊

巡避去予屏騶從徒步造門者再卒不見然心益重之已
丑君游錦城予畱居鷗宿山房私叩近作乃出 皇朝
瑣屑錄以示其間遺失者半僅存者半予讀畢喟然而歎
曰是誠瑣屑也與哉入元圃者所見皆夜光游蕊珠者所
遇皆火齊得是而珍之了然 皇朝治平之源根本之
計 天威振乎遐荒 聖武超乎前代隱其文顯其
旨微已且予竊見近刻於時事則無關痛癢於古人則襲
取皮毛辟如借山鷄之羽何堪舞鏡斷孔雀之尾不足張
屏雖語言富議論逞無當堯羊祇爲遼豕耳至於瑣屑錄

以實事求是爲主並無支離渺茫况其中所評又令人增
智益慧發矚振聾誠匡時之圭臬濟世之舟航也雖欲不
存其可得乎因書簡端以質之閱者當不啻予阿其所好
云

誥授資政大夫

賜進士出身前翰林院庶吉士

賞戴花翎丁卯癸酉鄉試同考官四川補用道權保甯府
事如弟何亮清頓首拜序

凡例十二則

一是編多列

上諭者誠以諸書互異必折衷於

聖言庶幾有所徵信而垂典則

一遇應變擡三擡者曾經案照空格無如手民往往謬誤閱者諒之

一奏疏有未經

俞允者但已發邸鈔例無禁忌故編

纂之至於非關

朝章國故槩不登錄

一是編有簡冊流傳世所共見者故未列其書名若近人所述凡書名備錄於後以示不敢掠美也

一是編昔請張丹崖師及友人何小山詳訂曾經分門別類但事隔卅年稿凡三易其間前後不免淆混自思無關大要悉因之

一手民往往舛錯特請陽輔卿中舍校正幸免魯魚亥豕之訛不然一誤再誤則踴鵲弄麀貽笑不淺

一先正諸書所載 皇朝曠事零文凡荒誕博會者概勿錄庶於旁搜博採中仍寓雜而不越之義云

一掌故軼事學校兵制及法例邊陲外藩異域前人各有專書何必採錄是編以貽續貂疥駱之譏夫駢駘駢駢

天下之駿乘也而以之捕鼠則不如狸鼯
璆琳琅玕世間之珍貝也而以之礪刃則不如砥石物有長短惟以適用爲貴子因子孫息情不甚檢閱專書故纂是編以示之或偶抒鄙論或略加評語俾其用資孳敷以廣見聞至所關國計軍儲亦因以附載焉

一科第武功及忠義剛直者文人爲傳爲記爲詩但有異有同有純有駁有舛誤有夸誕而明哲者弗尙焉今案實錄奏議中分別考證總以實事求是於未刻傳世者遂編纂之以期闡發幽潛若書肆刷賣爲人共見者遂

闕略之以免災梨禍棗耳

一驛站風俗土產祥異通典通志曾經詳記茲擇其要者
異者錄之以見

德洋恩溥道隆化美之盛云

一原書八十卷因倩人分繕散亡五六僅存三四予年八十不能補綴排類卽以殘稿附梓

一附梓後適逢錢價翔貴故將卷秩刪減二三以免摒擋
焦勞俟蓄餘貲再彙而刻之

皇朝瑣屑錄目錄

卷一掌故四十四則

卷二掌故五十八則

卷三掌故五十三則

卷四掌故四十七則

卷五掌故二十七則

卷六掌故九十四則

卷七掌故九十一則

卷八掌故七十一則

卷九掌故七十四則

卷十掌故一百一十七則

卷十一軼事三十三則

卷十二軼事三十六則

卷十三軼事三十三則

卷十四軼事三十四則

卷十五軼事三十九則

卷十六軼事五十九則

卷十七學校四十九則

卷十八學校三十八則

卷十九科第三十三則

卷二十科第三十則

卷二十一兵制二十五則

卷二十二兵制三十三則

卷二十三武功十七則

卷二十四武功十九則

卷二十五忠義二十九則

卷二十六剛直二十則

卷二十七徵糧附雜賦三十三則

卷二十八權稅附抽釐二十一則

卷二十九漕運附屯田十八則

卷三十河防附工式二十則

卷三十一鹽政附茶課四十六則

卷三十二錢法附礦務二十二則

卷三十三倉儲附賑濟十八則

卷三十四國計附籌餉三十三則

卷三十五法例二十四則

卷三十六邊陲三十六則

卷三十七驛站六十九則

卷三十八風俗四十四則

卷三十九祥異五十三則

卷四十物產一百則

卷四十一外藩二十一則

卷四十二外藩三十七則

卷四十三異域五十八則

卷四十四異域六十五則

皇朝瑣屑錄卷一

嘉州 鍾 琦 泊農

掌故四十四則

國朝出震乘乾肇基草昧天聰已前鈞衡帷幄悉任懿親
異姓儒臣但令給事文館天聰十年始改文館為內三

院曰內國史院曰內祕書院曰內宏文院均設大學士

一人各有職業

內國史院掌記注
內祕書院掌撰外
國往來書狀及

敎諭祭文之屬
善惡勸諍

內宏文院掌註釋
歷代行事
御前並敎
皇子諸王
順治二年

三院內字下各加翰林二字蓋初以翰林官分隸定為

正二品衙門也見 皇朝通典十五年改內三院爲

內閣其大學士俱加殿閣銜十八年仍改從舊制康熙
九年復改爲內閣然自 世祖入關定鼎卽議滿漢

大學士六員遼瀋舊人勝朝遺耆比肩疊踵同掌絲綸
所謂恢廓大度立賢無方者非與厥後康熙朝率用大
學士四員雍正間多至六員復增置協辦大學士二員

乾隆十三年始定制滿漢大學士各二員遇歲時 慶

節朝會侍班漢大學士位在滿大學士下自合肥伯相

繫 文華殿銜

定例大學士補授後請 旨兼 殿閣
及六部尙書銜 殿閣名凡六曰 中

和殿 保和殿 文華殿 武英殿 文淵閣 東閣
蓋舊制殿四閣二乾隆十三年省中和殿街增體

仁閣 而寶相國整班列轉居其右寶時繫街朝廷倚毗

使相優禮勛臣真高出唐宋萬萬按唐自肅宗後中書

郭子儀僕固懷恩朱泚李晟韓宏輩皆大較繫街而下

書使字見洪容齋隨筆宋制參政專位在宰相後自寇

萊公參知政事乃與宰相輪日知印正衙押班其專位

遂與中書門下一班皆敕齊列街街備並馬見江少虞

宋朝事聞者怵舞受者當若何戰兢耶

上書房設於雍正朝凡諸皇子暨近支王公及歲讀書必
特簡翰林官使授讀耆儒教胄龍種傳經古元子
入學遺法也世稱 上齋曰三天蓋由從前 列聖

每歲駐蹕澄懷園諸王公卽讀書園廬其地爲殿三

層皆有

世宗皇帝

御書匾額前曰前垂天

按一作先天不違

謂之前天中曰中天景物

按一作中天立極

謂之中

天後曰後天不老謂之後天統謂之三天白淀園被毀昔日天潢授簡之區鄒枚橐筆之舍瑤瓦芝楣鞠爲茂草近者詞臣入直大內詢以三天之舊稱蓋幾幾乎不知緣始矣見陳康祺郎潛紀聞

國朝

肇祖

興祖

景祖

顯祖

陵曰永陵各

后合葬在興京起運山距盛京二

百四十里

高皇帝陵曰福陵

高皇后合

葬在奉天府之承德縣天柱山距盛京二十里

文皇帝陵曰昭陵

孝端文皇后合葬在承德縣

隆業山距盛京十里

孝莊文皇后陵曰昭西在

順天府之遵化州昌瑞山之南

章皇帝陵曰孝

陵

章皇后合葬

孝獻皇后祔葬在昌瑞

山距京師二百四十里

孝惠章皇后陵曰孝東

在昌瑞山之東

仁皇帝陵曰景陵

孝誠

仁皇后合葬

孝昭

孝懿

孝恭三

皇后

東

敦肅

慶則生

國朝

自

篆右

麒麟

球暹羅三國王金飾銀印均駝紐尙方大篆內外文具
一二品並衍聖公銀印尙方大篆內三品順天奉天二
府以上外承宣布政使司銀印尙方小篆均直紐內外
武員一二品銀印均柳葉篆虎紐蒙古北薩克盟長銀
印右鑄清文左鑄蒙古文虎紐若用銅印關防鈴記內
文員三品詹事府以下外學政按察使司尙方小篆內
四五品外三四品鍾鼎篆內六品外五品以下垂露篆
內外武員三四品戈篆四五品以下懸鉞篆均直紐
定例請用 御寶先期知會內務府轉行宮殿監至期

內閣學士率典籍官赴 乾清門驗用如遇 行幸

駐驛以內務府總管監視之 交泰殿貯 御寶二

十有五白玉盤龍紐二碧玉盤龍紐一青玉交龍紐七

墨玉交龍紐三白玉交龍紐四碧玉蹲龍紐二碧玉交

龍紐三青玉盤龍紐一黃金交龍紐一梅檀香木盤龍

紐一又盛京尊藏 御寶十碧玉蹲龍紐一青玉交

龍紐三碧玉盤龍交龍各一金交龍紐三梅檀香木素

紐一

國朝凡畿輔 行宮京東七處京西四處京北六處口外

十有三處各設官弁分隸湯泉盤山黃新莊熱河各總管所轄

國朝釋奠 傳心殿之禮爲殿於 禁城內 文華殿之

東每歲春秋仲月 皇帝御經筵先遣官祇告 傳

心殿 伏羲氏 神農氏 軒轅氏均稱皇師

陶唐氏稱皇帝 有虞氏稱帝師 夏禹王

商湯王 周文王 周武王均稱王師皆正

位南嚮 周公稱先聖東位西嚮 孔子稱先師

西位東嚮恭遇 皇帝親詣行禮御袞服率官由景

行門入 傳心殿行二跪六拜禮

國朝 天潢宗派以 顯祖宣皇帝本支爲宗室伯叔

兄弟之支爲覺羅宗室東金黃帶覺羅東紅帶宗室生子女載入黃冊覺羅生子女載入紅冊宗室以罪黜爲庶人者東紅帶覺羅以罪黜爲庶人者東紫帶

國朝王府各官縉紳未具載親王府世子郡王府長子各設長史一人正三品員勒設司儀長一人正四品至於護衛親王府二十人世子十七人郡王府十五人長子十二人貝勒十人貝子六人公四人護衛分三等一等

從三品二等從四品三等從五品典儀親王府六人世子五人郡王府四人長子貝勒貝子公各三人從四品至從八品不等府屬五旗叅領每旗五人從三品佐領每旗七人從四品驍騎尉每佐領下二人從六品管領親王府四人郡王府三人正六品典膳親王府郡王府各一人從六品司庫親王府郡王府各二人從七品司匠親王府郡王府各四人從八品牧長親王府四人郡王府三人從八品

公主府官屬周秦無考其見於史傳者漢有傅長食官家

令丞魏有家令僕丞行夜督郵晉有家令丞宋齊梁有
傅令隋有家令丞主簿謁者唐有邑令丞主簿錄事宋
有邑令丞司錄明有家令司丞錄事又改家令爲中使
司國朝固倫公主府設長史一人三品頭等護衛一人
二三等護衛各二人典儀二人六品和碩公主府設長
史一人四品二等護衛二人三等護衛一人典儀六七
品各一人

國朝 皇文 中宮出者封固倫公主由 妃嬪出者
封和碩公主如 中宮撫宗室女下嫁亦封和碩公

主親王女封郡主側福晉女封郡君郡王女封縣主側
福晉女封縣君貝勒女封郡君側室女封鄉君貝子女
封縣君側室女授以五品入八分鎮國公輔國公女封
鄉君側室女授以六品餘並稱宗女不封授

定例諸王以一字爲諡貝勒以下及大臣以二字爲諡

國朝和碩親王世子封多羅郡王長子封多羅貝勒次封
固山貝子按貝勒古無此官惟金史有安班貝勒固倫
貝勒而無貝子但安班固倫兩貝勒下有呼嚕貝勒卽
國朝固山貝子是也